



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 30. Graves tumultus in Gallia ob Reginæ fugam exorti.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII. „esse velit regno Reginam, filio ma-
 A. C. 1619. „trem Optimam, cui sum ex cordis
 „intimo.“

Humilis & obsequens Filius,
 LUDOVICUS.

§. XXX.

*Graves tumultus in Gallia ob Regi-
 næ fugam exorti.*

Jæger. hist. Interim Regis indignationem haud pa-
Eccl. l. 9. c. 6. rum acuebat Luynæus, ab Esperno-
Daniel hist. nio & Regina, quos sibi iratos nove-
de Franc. rat, rebus suis male metuens; nec ei
t. 10. p. II. suam vindictam exerrendi occasio de-
Serres hist. erat; quippe eodem tempore nuntia-
Franc. tum, quod Espernonius Metis, cujus
 civitatis æque ac Engolismensis admi-
 nistrationem sibi demandatam habebat,
 cives alioquin Regi fidos armata vi in
 suas partes traxisset, necnon armis si-
 mul & pecuniis aliisque rebus pretio-
 sis spoliasset: unde Regi metus ex pro-
 xima seditione, & quidem eo major,
 quo frequentius ad Espernonii castra
 Aquitani Nobiles, ad novas res suopte
 ingenio prompti, accurrerent, atque
 Espernonius, quasi Reginæ Matris causam
 contra Parisinam tyrannidem de-
 fensurus, validum exercitum contraxisset:
 Eapropter Luynæus Regem urgebat,
 ut pro opprimendo Espernonio
 quan-

quantocius copias conscriberet. Sup-
pletur igitur novo delectu miles, pars
exercitus Nivernio Duci in Metenses &
Campanos, pars Guisio in Aurelios, &
Mayenio in Aquitanos, in Lemovices
vero Schombergio Comiti, ac denique
Rupifucaldio in Pictōnes committitur.
Omnes hi regias partes adversus Esper-
nonium tutari jubebantur: ipse autem
Rex cum numerofo milite, quo rerum
instans necessitas vocaret, insequeba-
tur. Præprimis Schombergius Ufer-
ciam arcem, cui Brullius cum levi præ-
sidio præerat, irruptione tentata ad
deditionem cogit, quo comperto Le-
movicenses, abdicato Espernonio, ad
Regis obsequium redeunt, non sine ma-
ximo Espernonii dolore, qui tamen non-
dum inter adversa animum despondens,
maxima celeritate Engolismam accur-
rit, quam tamen stationem Regina post
captam Uferciam, Regisque copias
jamjam impendentes haud ultra sibi
fidam rebatur: unde maturandæ re-
conciliationis consilia agitare cæperat,
id impensius urgente Joanne Armando
Richelio Lucionensi Episcopo, qui ad
Procerum quorundam preces ab Ave-
nionensi suo exilio voluntate Regis e-
vocatus, Reginam Matrem, apud quam
gratia plurimum valebat, ad pacem in-
flectere jubebatur. Præterea ipsemet

Hh 4

Rex,

Sæc. XVII.
A. C. 1619.

Sæc. XVII. Rex, qui dum se Regem esse memine-
 A. C. 1619. rat, Filium tamen se esse haud obli-
 viscebatur, Rupifucaldium Cardinalem
 & Bethunium Engolismam ablegabat,
 ut Matrem suam ex manibus Esperno-
 nii eriperent, eamque sibi reconcilia-
 rent; cum autem Ruffelayus Abbas
 natione Italus, qui Reginae tum maxi-
 me fidus, ejusdem fugam nuper pro-
 moverat, pacis consilio plurimum ob-
 stare crederetur, hinc eo abire jussu
 totum negotium Richelio commissum est.

§. XXXI.

*Regina Mater Regi Filio suo plene
 reconciliata.*

*Gramond.
 hist. Gall. 1.3.
 Merc. Gal-
 lob. t. 12. l.4.* Rebus ita instructis Richelius Avenio-
 ne Lugdunum contendit, quem ta-
 men Alincurtius arcani nescius in cu-
 stodiam egit, mox tamen Regis jussu
 eum dimittere coactus: quamprimum
 vero Richelius continuato itinere En-
 golismam pervenerat, Regina Viri a-
 spectu læta totam se eidem commisit,
 ac primo statim colloquio (facillima e-
 nim est litium inter filium & Matrem
 compositio) in hæc concordiae capita
 consensit. I. Regina Mater aulam
 suam pro libitu institueret, & ad pla-
 citum suum confirmaret, ministris, &
 officariis, qui ipsi videantur idonei,
 quibus-